

“E Bendishonnan dje Boutismo”



Tabata un momento mágico. Un parti dje envoltura a kuminsá kibra i for di dje e patanan i despues e kurpa dje insekto a sali. E alanan di diseño kolorido a wòrdu habrí. Den un ratu di tempu, e barbulètè nobo lo a kuminsá ku su vuelo grasioso.

Su transformashon di bichi pa barbulete a wòrdu kompleta. E Palabra di Dios ta siña nos e poder Divino tamhe por kambia e bida dje sernan humano, pero den un grado muchu superior ku e metamorfosis di un barbulètè. Un ehempel di un kambio asina ta den Echonan 16:22-34. Einan nos ta haña ku Pablo i Silas tabata e viktimanan dje grupo di hende rabiá, akusa falsamente i golpia sin miserikòrdia. "I despues ku nan a kaba di korta nan ku nan ku hopi sota, nan a tira nan den prizòn, . . . e relato ta bisa' ... mandando e wardado di prizòn, pa e warda nan bou striktu vigilansia:

Kua risibiendo semejante ordu, a tira nan den prizòn di mas aden, i a sigura nan pia na sepa" (ver. 23-24).

E KONBERTIMENTU Di UN WARDADO DI PRIZON.

Ta impreshonante pa nota ku maske Pablo i Silas tabata den e situashon angustioso ei, nan tabata; kanta himnonan di alabansa na Dios i hasi orashon. E Bijbel ta menshona ku e otro prisioneronan "tabata skucha nan". I diripiente a bini un temblor grandi. E Portanan a habri dor dje sakudimentu dje temblor i tur e prisioneronan a haña nan mes liber di un momentu pa otro. E wardado a lanta for di soño asombra i ela mira ku e portanan dje prizòn tabata hanchu habrí, i ela saka su spada pe mata su kurpa.

Pero Pablo ku bos duru a bisa: "No hasi bo mes ningun dano, pasombra nos tur ta akinan":

E wardado a pidi un lus, ela dreña temblando kai na rudia dilanti Pablo i Silas i ela puntra nan: "Kiko mi mester hasi pa mi ta salba?" I nan a konteste: "Kere den e Señor Hesus Kristu, i lo bo ta salba, abo i bo kas". E relato ta sigui bisa.: "I nan a bisé e Palabra di Senor i tambe tur esnan ku tabata den su kas". Tin un poder inmenso den e Palabranan di Kristu pa kambia e komportashon i e kurason humano. Den e versikulo 33 e ta wòrdu ilustra grafikamente. "I el a tuma nan e mes ora di anochi ei,- relato ta sigui bias-, ela laba nan kòrtá, i unbes e mes a wòrdu batisa i tur su famia". Ata aki un wardado di prizòn duru brindando e promé aksamplianan na Pablo i Silas i boutisando su mes den kompania di su famia. Den e Evangelio nos ta wòrdu bisa, tokante dje boutismo: "Esnan ku kere i wòrdu boutisá, lo ta salba".

E FORMA DJE BOUTISMO.

E palabra "boutismo" ta sali for dje palabra griego "bautiso", ku no ta referí na e springumentu ku awa ma na e baimentu kompleto bou awa di un persona, òf sea, imershon. "I despues ku Hesus a wòrdu boutisa, El a sali unbes foi awa". (Mateo 3:16).

Kon Hesus a wòrdu boutisa? Su boutismo den e rieu Jordan ta sirbi komo modelo pa e boutismo kristiaan. Pesei e importansia ku e forma di boutismo tin no mester wòrdu poko tuma na kuenta

NIFIKASHON DJE BOUTISMO

E boutismo ta konsistuí un señaal visibel un konfeshon publiko di nos fe. Despues dje sermon di Pedro riba e dia di Pentecoster, nos ta wòrdu bisá: "Esnan ku a kere den Su Palabra, a wòrdu boutisa, i e dia ei mas o menos tres mil alma a bira kristian". (Echo 2:41).

E boutismo ta mas ahinda: E ta tambe rekonosementn ku nos ta akseptá Kristu komo nos Salbador personal, i ku nos ta dispuesto na adopta Su manera di bida.

"O boso no sabi anto, ku nos tur ku ta batisá den Kristu Hesus, ta batisa den Su morto? Nos ta dera anto huntu kune den morto pa medio di boutismo, pa meskos ku Kristu a lanta di mortonan pa gloria dje Tata, asina tambe lo nos kana den nobedad di bida" (Rom. 6:3-4). Pe motibu aki e boutismo ta representá e morto dje hòmbènan bieu di pika i e resurekshon na un bida nobo den Kristu Hesus, nos Señor.

E seremonia ku ta señaala e kuminsamentu dje bida kristian i di nos feligresia den e Iglesia ta sagrado. E ta nifika e rechaso di pika i un entregá e aseptashon total dje boluntad dje Señor pa nos bida.

Un dje bendishonnan di mas grandi dje boutismo ta wòrdu ekspresa den e promesa di Hesus: "Ken ku lo konfesa Mi dilanti hende, esei lo Mi konfesa tambe dilanti mi Tata, ku ta den shelu" (Mateo 10:32).

E GOZO DJE BOUTISMO

Otro bendishon ku nos ta haña dje boutismo, manera Echo 16:34 ta ilustra, ta esun di por disfruta dje gozo ku ta kompañá esun ku ta biba den armonia ku Dios. Laga nos bolbe ne kapitulo 16 di Echonan: "I el a hiba nan su kas

'ta wòrdu bisa dje wardado di prizòn' i el a pone mesa pa nan; i e tabatin alegria den su mes, ku e ku tur hende di su kas a kere den Dios" (vers 34). I San Mateo 28:19 ta revelá nos algu mas: "Bai anto, i hasi tur nashon disipel di Mi, -'Hesus a ordena esnan di Dje'- i batisá nan den nòmber di Tata, i di Yu i di Spiritu Santu". Ora ku dordje grasia divino un hende eksperimenta e gozo dje transformashon i e sigui e ehempel di Hesus batisando su mes meskos ku ela wòrdu batisá dor di imershon, e tin bendishon dje tres sernan poderoso:

E Tata, e Yu i e Spiritu Santu. Ora ku e ser humano entrega su bida na Dios den e manera aki, E Trinidad tambe ta kompremete su mes pa protehé I kuid' é. Lesadó stima, si bo no a eksperimenta e gozo dje boutismo, mi ta pidi bo pa di un manera special bo rekòrdá e palabranan aki di Hesus: "Esun ku kere i wòrdu batisa esei lo ta salba".

Lobo no responde afirmativamente riba e invitashon di nos Salvador, Kende a duna Su bida pa abo i pami? Si E ta na porta di bo kurason i ta bisa: "Ata mi ta para na porta i ta bati, si algun tende Mi boz i habri porta pa Mi, lo Mi drenta serka dje, i lo Mi sena kune i e ku Mi". (rev. 3:20).

"Si boso ta stimami, warda Mi Mandamentunan". (Juan 14:15). "Bini serka Mi tur ku ta kansa i karga i lo Mi duna boso deskanso" (Mateo 11:28).

PA MAS INFORMASHON: Iglesia Adventista di shete dia